

UGOVOR broj 204-24520/11
o korištenju distributivne mreže

I UGOVORNE STRANE

1. JU SREDNJA EKONOMSKA ŠKOLA SARAJEVO

Novo Sarajevo, ZMAJA OD BOSNE 39

Identifikacioni broj: 4200682720003 (u daljem tekstu: Krajnji kupac)

2. Javno preduzeće Elektroprivreda BiH d.d. - Sarajevo, Podružnica "Elektrodistribucija", Sarajevo, Zmaja od Bosne 49, koju zastupa Direktor Esed Džananović ili ovlašteno lice (u daljem tekstu: Distributer)

II PREDMET UGOVORA

Član 1.

Predmet ovog Ugovora je uređenje međusobnih odnosa ugovornih strana o korištenju distributivne mreže na koju je Krajnji kupac priključen na osnovu Elektroenergetske saglasnosti, broj 9707066 od 30.11.1999. Priključenje na distributivnu mrežu je izvedeno na naponskom nivou 0.4 kV, preko obračunskog mjernog mjesta broj 132450 koje se nalazi na adresi **Zmaja od Bosne 39, Sarajevo**. Krajnjem kupcu je odobrena priključna snaga od 95 kW za namjenu **Poslovni** i kategoriju potrošnje **Ostala potrošnja na 0.4 kV**.

Ugovorne strane su saglasne da se prilikom prvog priključenja ili izmjene na obračunskom mjernom mjestu zajednički utvrdi početno stanje brojila za obračun isporučene električne energije.

Član 2.

Distributer stavlja na raspolaganje Krajnjem kupcu distributivnu mrežu prema uslovima iz ovog Ugovora, uz poštovanje odredbi Opštih uslova za isporuku električne energije, tehničkih pravilnika u primjeni, važećih zakonskih i podzakonskih akata, kao i pravila i propisa Regulatorne agencije za električnu energiju u Federaciji Bosne i Hercegovine (u daljem tekstu FERK).

Krajnji kupac se obavezuje da će distributivnu mrežu i priključak koristiti samo za vlastite potrebe u skladu sa uslovima iz Elektroenergetske saglasnosti i ovog Ugovora.

Član 3.

Distributer je vlasnik priključka i preuzima obavezu održavanja priključka i baždarenja mjernih uređaja, u skladu sa Opštim uslovima za isporuku električne energije.

Distributer nije vlasnik usponskih vodova od kablovskog priključnog ormara do mjernih ormara sa brojlilima u stambenim ili stambeno-poslovnim zgradama ukoliko su mjerni ormari ugrađeni po etažama.

Distributer nije vlasnik glavnih razvodnih i mjernih ormara u stambenim ili stambeno-poslovnim zgradama.

Član 4.

Uslovi korištenja distributivne mreže dati su u prilogu i čine sastavni dio ovog Ugovora.

Član 5.

Rok važenja ovog Ugovora nije ograničen.

Izuzetno, u slučaju kada je Krajnjem kupcu izdata Elektroenergetska saglasnost na određeni period, ovaj Ugovor važi do isteka roka važenja Elektroenergetske saglasnosti.

Član 6.

Ovaj Ugovor stupa na snagu danom obostranog potpisivanja.

Ugovor je sačinjen u dva (2) istovjetna primjerka od kojih svakoj ugovornoj strani pripada po jedan (1) primjerak.

Esed Džananović, Direktor

27-10-2011

U Sarajevo, datum

03-4-342-2189/11

Krajnji kupac

JU SREDNJA EKONOMSKA ŠKOLA
SARAJEVO

Broj L.K:.....

Datum: 19.11.2011.g.

br. 1977/11

USLOVI KORIŠTENJA DISTRIBUTIVNE MREŽE

Medusobna prava i obaveze Distributera i Krajnjeg kupca

Član 1.

Distributer je obavezan vršiti ispravno i redovno očitavanje mjernih uređaja Krajnjeg kupca u pravilu mjesečno. Po potrebi, očitavanje može biti i češće, a obavezno je prilikom zamjene brojila i promjene tarifnih stavova. Krajnji kupac je dužan plaćati naknadu za korištenje distributivne mreže u skladu sa važećim tarifnim stavovima za korisnike distributivnog sistema.

Član 2.

Distributer je obavezan upravljati distributivnim sistemom i blagovremeno obavještavati Krajnjeg kupca o planiranim isključenjima.

Krajnji kupac je odgovoran za sigurnost, pogon i tehničku ispravnost vlastitih električnih instalacija i dužan je omogućiti Distributeru nesmetan pristup priključku i obračunskom mjernom mjestu radi izvođenja planiranih radova, očitavanja i kontrole mjernih uređaja.

Član 3.

Distributer je obavezan Krajnjem kupcu obezbijediti kontinuirano, pouzdano i kvalitetno snabdijevanje električnom energijom, u skladu sa Opštim uslovima za isporuku električne energije.

Krajnji kupac je saglasan da Distributer nema obavezu obezbjeđenja standardnog kvaliteta električne energije u slučaju neizgrađenosti/dotrajlosti distributivne mreže preko koje se napaja Krajnji kupac, što će Distributer otkloniti u narednih pet godina.

Član 4.

Krajnji kupac je obavezan regulisati prekomjerno preuzetu reaktivnu energiju/snagu i uticaj viših harmonika, u skladu sa Opštim uslovima za isporuku električne energije.

Krajnji kupac je obavezan ugraditi uređaje za kompenzaciju prekomjerno preuzete reaktivne električne energije, ukoliko preuzima električnu energiju sa faktorom snage ($\cos \varphi$) nižim od 0,95.

Član 5.

Distributer može obustaviti isporuku električne energije, ako su ispunjeni sljedeći uslovi:

- ako Krajnji kupac koristi električnu energiju bez saglasnosti ili mimo mjernih uređaja ili ako samostalno priključi svoje uređaje i/ili električne instalacije na mrežu,
- ako Krajnji kupac onemogućava pravilno mjerenje količine utrošene električne energije,
- ako objekat Krajnjeg kupca ne ispunjava propisane tehničke uslove i ugrožava živote ljudi i imovinu,
- ako Krajnji kupac zahtijeva isključenje, u skladu sa Ugovorom o korištenju distributivne mreže,
- ako Snabdjevač zahtijeva isključenje Krajnjeg kupca, zbog ne izvršavanja obaveze plaćanja za isporučenu električnu energiju u propisanom, odnosno ugovorenom roku,
- ako objekti Krajnjeg kupca ometaju normalnu isporuku električne energije drugim kupcima,
- ako Krajnji kupac, bez saglasnosti Distributera, preko svojih instalacija omogući potrošnju električne energije drugom krajnjem kupcu,
- ako Krajnji kupac uskrati ovlaštenim licima Distributera pristup mjernim uređajima,
- ako Krajnji kupac ne poštuje i ne provodi propisane mjere štednje i racionalne potrošnje električne energije,
- ako Krajnji kupac ne plati obračunatu povećanu priključnu (vršnu) snagu u odnosu na ranije plaćenu po važećoj elektroenergetskoj saglasnosti,
- ako Krajnji kupac bez saglasnosti Distributera promijeni namjenu korištenja električne energije,
- ako Krajnji kupac skida i oštećuje plombu na mjernom uređaju koju je postavio Distributer,
- ako Krajnji kupac ne dozvoljava Distributeru ulazak u posjed radi obavljanja radova održavanja i otklanjanja kvarova na elektroenergetskim objektima i priključku.

Za slučajeve iz prethodnog stava, tačke a) do d), Distributer će odmah po nastanku navedenih uslova izvršiti obustavu isporuke električne energije.

U slučaju iz prethodnog stava, tačka e), Distributer će izvršiti obustavu isporuke električne energije – isključenje, u rokovima i uz ograničenja utvrđena Opštim uslovima za isporuku električne energije.

Za slučajeve iz prethodnog stava, tačke f) do m), Distributer će prethodno u pisanoj formi upozoriti Krajnjeg kupca na nedostatke, odnosno nepravilnosti, zbog kojih će izvršiti obustavu isporuke električne energije ukoliko Krajnji kupac u postavljenom roku ne otklani uočene nepravilnosti i nedostatke.

Distributer se obavezuje da neće isključiti objekat Krajnjeg kupca u slučaju opšte nestašice ili neplaćanja, ukoliko se radi o objektu za koji je utvrđeno izuzeće u odredbama Opštih uslova za isporuku električne energije, ako je to regulisano u Ugovoru o snabdijevanju električnom energijom i ako su ugovorene obaveze obezbjeđene/provedene od strane Krajnjeg kupca.

Distributer se obavezuje da neće isključiti objekat stanovanja Krajnjeg kupca ukoliko podnese zahtjev za izuzeće od isključenja sa odgovarajućim dokazima da koristi elektromedicinsku opremu neophodnu za održavanje zdravlja, a za čiji rad je neophodno napajanje iz distributivne mreže.

Distributer nije odgovoran za moguću štetu koja bi Krajnjem kupcu nastala zbog obustave isporuke električne energije u slučaju nastanka uslova iz stava 1. ovog Člana.

Član 6.

Distributer ima pravo da ograniči isporuku električne energije, na pojedinim dijelovima ili cijelom području svoga djelovanja, u slučaju opšte nestašice električne energije koju proglašava nadležni organ, osim za objekte za koje je utvrđeno izuzeće u odredbama Opštih uslova za isporuku električne energije i ako je to regulisano u Ugovoru o snabdijevanju električnom energijom za ovaj objekat.

Krajnji kupac je dužan pridržavati se obaveze štednje električne energije i zadanih ograničenja. Distributer nije odgovoran za nadoknadu eventualnih šteta nastalih usljed ograničenja isporuke električne energije.

Član 7.

Distributer je dužan nastaviti isporuku električne energije u roku od 24 sata od prijema zahtjeva za uključenje, nakon što Krajnji kupac otkloni uzroke isključenja i plati sve troškove prouzrokovane obustavom isporuke električne energije uključujući i troškove isključenja i ponovnog uključjenja.

Distributer snosi troškove isključenja i ponovnog uključjenja u slučaju neosnovane obustave isporuke električne energije.

Član 8.

Distributer nije odgovoran za štete nastale prekidom isporuke električne energije čiji uzrok su: viša sila, kvarovi na prenosnoj mreži, djelovanje ispravnih i propisno podešenih uređaja za zaštitu elektroenergetskih objekata, djelovanje trećih lica, poremećeni i vanredni režim rada, kao i ostale okolnosti na koje Distributer nije mogao uticati.

Distributer nije odgovoran za štete nastale prekidom isporuke električne energije čiji uzrok su najavljena isključenja elektroenergetskih objekata: zbog redovnog i vanrednog održavanja, pregleda i remonta, priključenja novih krajnjih kupaca, ispitivanja i kontrole mjerenja i proširenja mreže koje je Distributer planirao u skladu sa zakonskim obavezama.

Član 9.

Krajnji kupac ima pravo na naknadu štete od Distributera ako mu je bez opravdanog razloga obustavljena isporuka električne energije.

Krajnji kupac koji se napaja preko elektroenergetskih objekata koji omogućavaju kontinuiranu isporuku električne energije ima pravo na naknadu štete od Distributera ukoliko je šteta nastala zbog prekida u isporuci električne energije ili je isporučena nekvalitetna električna energija što se može pripisati u krivicu Distributera u skladu sa Zakonom o električnoj energiji i Opštim uslovima za isporuku električne energije.

Krajnji kupac može ostvariti pravo na naknadu štete od Distributera, u skladu sa stavom 1 i 2., ukoliko odmah, a najkasnije u roku od 24 sata, po nastanku prekida u napajanju električnom energijom ili drugih poremećaja u snabdijevanju o tome obavijesti Distributera putem telefona Službe za odnose sa javnošću i informisanje kupaca ili Službe za dispečiranje koji su javno publikovani.

Distributer će, u skladu sa svojim aktima, provesti postupak utvrđivanja i isplate naknade za štetu pričinjenu Krajnjem kupcu. Distributer predlaže visinu naknade na koju Krajnji kupac daje saglasnost. U slučaju nemogućnosti utvrđivanja naknade na navedeni način, naknade štete će se rješavati u skladu sa članom 19. ovog Priloga.

Član 10.

Distributer ima pravo na naknadu štete od Krajnjeg kupca prouzrokovanu nedozvoljenim radnjama Krajnjeg kupca, neispravnostima na opremi, uređajima i instalacijama, kao i nepovoljnim povratnim dejstvom uređaja Krajnjeg kupca na distributivnu mrežu.

Distributer može ostvariti pravo na naknadu štete od Krajnjeg kupca, ukoliko najkasnije 5 (pet) dana po nastanku događaja iz stava 1. o tome obavijesti Krajnjeg kupca pismenim putem.

Distributer će, u skladu sa svojim aktima, provesti postupak utvrđivanja visine štete koja mu je pričinjena i povesti postupak za nadoknadu štete.

Izmjene i raskid Ugovora o korištenju distributivne mreže

Član 11.

Krajnji kupac je dužan da u slučaju promjene vlasništva objekta, podnese Distributeru zahtjev za raskid Ugovora o korištenju mreže, u roku od 30 dana od nastanka promjene vlasništva.

Distributer će u roku od 5 dana od prijema zahtjeva pregledati mjerno mjesto, očitati stanje brojila i podatke dostaviti Snabdjevaču radi obračuna utrošene električne energije.

Distributer će prihvatiti raskid Ugovora o korištenju distributivne mreže pod uslovom da je Krajnji kupac izmirio sve novčane obaveze nastale do dana raskida Ugovora.

Ukoliko Krajnji kupac nije podnio Distributeru zahtjev za raskid Ugovora o korištenju distributivne mreže, zahtjev može podnijeti i novi Krajnji kupac, uz predočenje odgovarajuće isprave o promjeni vlasništva, koja sadrži i odredbe o razgraničenju obaveza za preuzetu električnu energiju, kojima se garantuje izmirenje svih novčanih obaveza nastalih do dana raskida Ugovora.

Član 12.

Nasljednik, odnosno pravni sljednik je dužan zaključiti novi Ugovor o korištenju distributivne mreže i regulisati obaveze nastale prije nasljeđivanja, a najkasnije 30 dana od dana utvrđivanja nasljednika, odnosno pravnog sljednika.

Kada se ne zaključi Ugovor u roku navedenom u prethodnom stavu ili ako nasljednik, odnosno pravni sljednik, ne prihvati obaveze predhodnika, Distributer može isključiti nasljednika, odnosno pravnog sljednika sa distributivne mreže na zahtjev Snabdjevača.

Član 13.

Krajnji kupac može podnijeti zahtjev Distributeru da se Ugovor o korištenju distributivne mreže ustupi drugom Krajnjem kupcu na određeno vrijeme, pod uslovom da je izmirio sve novčane obaveze nastale do dana privremenog ustupanja Ugovora i da je dostavio ovjerenu izjavu o solidarnom podmirenju budućih novčanih obaveza između njega i novog Krajnjeg kupca.

Distributer će dati pristanak na ustupanje Ugovora o korištenju distributivne mreže, u formi pismene saglasnosti, ukoliko su ispunjeni uslovi iz prethodnog stava.

Član 14.

Ugovor o korištenju distributivne mreže može biti raskinut iz sljedećih razloga:

- a) na pisani zahtjev za raskid ugovora od strane Krajnjeg kupca, pod uslovom da je izmirio sve neizmirene obaveze prema Distributeru
- b) na pisani zahtjev za raskid ugovora od strane Distributera, u slučaju ako Krajnji kupac ne otkloni razloge zbog kojih mu je obustavljena ili naložena obustava snabdjevanja električnom energijom u roku od 90 dana od dana obustave, ili dana kada je pokušano izvršenje obustave
- c) smrti Krajnjeg kupca, prestanka pravnog lica u svojstvu Krajnjeg kupca ili nastupa drugih okolnosti za prestanak ugovora prema odredbama zakona i Opštih uslova za isporuku električne energije.

Ugovorna strana koja pokreće postupak raskida Ugovora o korištenju distributivne mreže zbog neispunjenja obaveza druge ugovorne strane, obavezna je prije podnošenja pismenog zahtjeva za raskid Ugovora dostaviti pismenu opomenu drugoj ugovornoj strani o neizvršavanju obaveza sa dodatnim rokom za ispunjenje tih obaveza.

Član 15.

Krajnji kupac ima pravo da privremeno odjavi potrošnju električne energije. Privremena odlava ne može trajati duže od 36 mjeseci.

Krajnji kupac čiji je objekat isključen sa mreže u periodu dužem od 36 mjeseci, prilikom podnošenja zahtjeva za ponovno priključenje tretira se kao novi krajnji kupac i dužan je da podnese zahtjev za Elektroenergetsku saglasnost, a zatim da potpiše novi Ugovor o priključenju i novi Ugovor o korištenju distributivne mreže.

Rok važenja Ugovora o korištenju distributivne mreže i načini rješavanja sporova

Član 16.

Rok važenja Ugovora o korištenju distributivne mreže nije ograničen. Izuzetno, u slučaju kada je Krajnjem kupcu izdata Elektroenergetska saglasnost na određeni period, Ugovor važi do isteka roka važenja Elektroenergetske saglasnosti.

Član 17.

Potpisivanjem Ugovora o korištenju mreže Krajnji kupac stiče pravo korištenja distributivne mreže. U slučaju raskida ili nepotpisivanja Ugovora o korištenju mreže od strane Krajnjeg kupca, Distributer će obustaviti isporuku električne energije, u skladu sa Opštim uslovima.

Član 18.

Ugovorne strane su saglasne da međusobne obaveze koje nisu regulisane Ugovorom o korištenju distributivne mreže rješavaju u skladu sa Zakonom o električnoj energiji, Opštim uslovima za isporuku električne energije i Mrežnim pravilima koje je donio FERK, te Pravilnikom o priključcima, Pravilnikom o mjernom mjestu i drugim opštim aktima JP Elektroprivreda BiH d.d. Sarajevo.

Član 19.

Sve eventualne sporove ugovorne strane će rješavati prvenstveno sporazumno u duhu dobrih poslovnih odnosa i uzajamnog povjerenja.

U slučaju spora koji se ne može riješiti sporazumno, ugovorne strane su saglasne da se isti riješava arbitražom pred FERK-om.

Član 20.

Sve izmjene Ugovora o korištenju distributivne mreže mogu se vršiti isključivo i samo uz pismenu saglasnost ugovornih strana.

JP Elektroprivreda BiH d.d.-Sarajevo